

文獻通考

百十三上四

王禮考

漢書門類		
六〇〇號	一二函	一四〇冊
五架		

內閣文庫		
六〇〇號	一二〇冊	五架
漢書		

內閣文庫		
番號	漢	600
冊數	140 (51)	
函號	294	6

百十四



文獻通考卷之一百一十三

鄱陽馬端臨貴興著

王禮考

君臣冠冕服章

宋朝之制天子之服有衮冕廣一尺二寸長二尺

四寸前後十二旒二纒並貫真珠又有翠旒十二

碧鳳銜之在珠旒外冕版以龍鱗錦表上綴玉為



旁施琥珀瓶犀瓶各二十四周綴金絲網鈿

以真珠雜寶玉加紫雲白鶴錦裏四柱飾以七寶

紅綾裏金飾玉簪導紅絲條組帶亦謂之平天冠

衮服青色日月星山龍雉虎雉七章紅裙藻火粉

米黼五章紅蔽膝升龍二並織成間以雲朵飾以



金釵花鈿巢裝以真珠琥珀雜寶玉紅羅襦裙繡
五章青標襪裙六采綬一小綬三結玉環三素大
帶朱裏青羅四神帶二繡四神盤結受帶飾並白
羅中單青羅袜帶紅羅勒帛鹿盧玉具劔玉標首
鏤白玉雙佩金飾貫真珠金龍鳳革帶紅鞮赤舄
金釵花四神玉鼻祭天地宗廟謁太清宮饗玉清
昭應宮景靈宮受冊尊號元日受朝冊皇太子則
服之大中祥符初符東封有司言封禪當服六表
冕無旒以羔皮為之而唐制用袞冕之服詔
依南郊報袞冕六年五月朝拜聖像時屬盛暑
而皆褻服有司請別制單衣以順時令從之通
天冠二十四梁犀簪導紅絲組帶金釵花鈿以珠
寶施博山附蟬絳紗袍以織成龍紅金條紗為之
紅裏皂標襪裙白羅中單蔽膝以紅紗紅羅裏與飾

袍紅羅裙紅紗裏白羅方心曲領餘同大祭祀致
齋出乘玉輅入乘金輅正冬大會五月朔受朝則
服之赭黃淡黃袍衫玉紫紅束帶皂紋鞞大宴則
服之赭黃淡黃襟袍衫紅袍常朝則服之窄袍便
坐視事則服之窄黃袍衫而下比皂紗折上巾通
犀金玉環帶窄袍或御烏紗帽
皇太子之服袞冕青羅衣緋羅紅綾裏塗金銀釵
花飾犀簪導紅絲組前後九旒二纒貫水晶珠青
羅衣繡山龍雉火虎雉五章紅羅裳繡藻米黼黻
四章紅羅蔽膝繡山火二章白紗中單青標襪革
帶塗金銀鈎鞞瑜玉雙佩四采織成八綬結二玉
環金塗銀釵花飾青羅紅帶紅羅勒帛玉具劔金

塗銀釵花玉標首白羅襪紅朱履金塗銀釵從祀
則服之遠游冠十八梁青羅表金塗銀釵花飾犀
簪導紅絲組博山朱明服紅花金條紗衣紅紗裏
皂標襪紅紗裳紅紗蔽膝並紅紗裏白花中單皂
標襪方心曲領白羅襪黑烏革帶佩綬劍劍同袂
帶勒帛受冊謁廟朝會則服之裳服皂紗折上中
紫公服通犀金玉帶

王公以下冠服唐制有袞冕九旒警冕八旒毳冕
七旒絺冕六旒玄冕五旒爵弁朝服公服袴褶弁
服宋朝省八旒冕六旒冕公服弁服九旒冕塗金
銀花額犀玳瑁簪導青羅衣繡山龍雉火虎雉五
章緋羅裳繡藻粉米黼黻四章緋蔽膝繡山火二

章白花羅中單玉裝劍佩革帶暈錦綬二玉環緋
白羅大帶緋羅鞮履親王中書門下奉祀則服之
九旒冕無額花玄衣纁裳悉畫小白綾中單師子
錦綬二銀環餘同上三公奉祀則服之七旒冕犀
角簪導衣畫虎雌粉米三章裳畫散二章銀裝佩
劍革帶餘同九旒冕九卿奉祀則服之五旒冕無
章銅佩劍革帶餘同七旒冕青羅衣裳四品五品
為獻官則服之六品以下無劍佩紫檀衣及裳羅為之皂
大綾綬銅佩御史博士服之平冕無旒青衣纁裳
無劍佩綬餘同五旒冕太祝奉禮服之五梁冠塗
金銀花額犀玳瑁簪導堅筆緋羅袍緋花羅中單
緋羅裙緋羅蔽膝並皂標襪緋白羅大帶白羅方

心曲領五劔佩銀革帶暈錦綬二玉環白綾襪皂
皮履一品二品侍祠朝會則服之中書門下省冠
如籠巾貂蟬籠中編藤漆之塗金銀飾三梁冠犀
角簪導無中單銀劔佩師子錦綬銀環餘同五梁
冠諸司三品御史臺四品兩省五品侍祠朝會則
服之御史大夫中丞則冠有獬豸角衣有中單兩
梁冠犀角簪導銅劔佩練鵲錦綾銅環餘同三梁
冠四品五品侍祠朝會則服之六品以下無劔佩
綬御史則冠有獬豸角衣有中單袴褶紫緋綠各
從本服色白綾中單白綾袴白羅方心曲領本品
冠導駕則騎而服之矣
國初令禮官檢討模畫袴褶衣冠形像且云武

弁平巾幘即是一物兩名乃於籠巾中別畫一
幘中書門下奏議擬令文明武弁非袴褶之冠
合是具服有劔履佩綬又非騎馬之服乃請導
駕官止用平巾幘袴褶靴笏如平巾幘制度未
詳且以今朝服冠代之富戴籠冠者亦不戴導
駕官袴褶色未久本品色者止用見着服色其
起梁帶依禮官之議權以革帶充自是遂為定
制

公服唐制謂之常服色同袴褶曲領垂胡加欄折
上巾唐制郡督刺史品卑者並借緋太平興國二
年詔朝官出知節鎮及轉運使副衣緋綠者並借
紫知府防禦團練刺史衣綠者借緋衣緋者借紫

其為通判知軍監止借緋其後江淮發運使同轉
運提點刑獄同知刺史州凡升朝官緋綠二十年
遇恩愛叙勞以賜其制恩者給以公服紫衣犀帶
緋衣塗金寶瓶帶東封西祀京朝官服色經十五
年者聽叙內職亦許窄袍景德三年詔出入內庭
不得服皂

腰帶之制恩賜有金毬路荔枝師蠻海捷寶藏
二十五兩荔枝枝自二十五兩至二十七兩有
二十五兩海捷十五兩寶藏二十兩惟冠路方團
騰餘悉方騰荔枝或金塗天王八仙犀牛寶瓶荔
為御仙花束帶亦同
支師蠻海捷雙鹿行虎窪面
犀牛寶瓶自二十五兩
至十五兩有二等荔枝支自二十兩至二十五兩
等師蠻自二十兩至十八兩有二等海捷十五兩
至十兩有三等雙鹿自二十兩至二十四兩有九等
行虎七兩窪面自十五兩至二十兩有二等束

帶之制有金荔支師蠻戲童海捷犀牛胡娵鳳子

寶花荔支自二十五兩至二十五兩有二等師蠻戲

等犀牛相花十五兩金塗犀牛雙鹿野馬胡娵犀牛

胡娵自十五兩至二十兩有三等犀有上等次等以

牯犉為別南海之南者太平興國七年正月翰林

學士承旨李昉等奏曰奉詔詳定車服制度案禮

部式飾以金玉之類蓋腰帶之制也今請從三品

以上服玉帶四品以上服金帶以下升朝官雖未

升朝已賜紫緋內取諸軍將校並服紅鞞金塗銀

排方雖升朝著綠者公服上不得繫銀帶餘官服

黑銀方團胯及犀角帶貢士及胥吏工商庶人服

鉄角帶恩賜者不用此制荔枝帶本是內出以賜

將相在於庶僚豈可僭服望非恩賜者官至三品
乃得服之景德三年詔出入內庭不許服假通犀
帶大中祥符五年詔曰方團金帶優寵輔臣今文
武庶官及伎術之流率以金銀做做其紊彝制自
今除恩賜外悉禁之

笏唐制三品以上用象上圓下方六品以下用竹
木上挫下方宋朝文散五品以上用象九品以上
用木武臣內職並用象千牛衣綠亦用象庭賜緋
綠者皆給之

魚袋唐制散官二品京官文武職事五品以上及
都督刺史皆帶魚袋國初其制多闕雍熙元年南
郊畢內出魚袋以賜近臣由是內外升朝文官皆

帶凡服紫者飾以金服緋者飾以銀

庭賜紫者給以金塗魚袋

賜緋亦有特給者

京朝幕職州縣官賜緋紫者亦帶親王

武官內職將校皆不帶大中祥符六年詔伎術官

未升朝賜緋者不得佩魚袋

金塗魚袋

重戴唐日士人多尚之國初御史臺皆戴餘官或

戴或否淳化二年六月御史臺奏舊儀三院御史

在臺及出使並重戴其出使重戴事已久廢其有

御史出臺為省職及在京釐別務者請依舊儀違

者罰一月奉從之十月令兩省及尚書省五品以

上皆重戴樞密三司使副則不又五代以來新進

士亦重戴遂以為俗脫白則止

國初因舊制賜將相學士禁軍大校時服建隆三

年乃徧賜百官每歲端午十月一日文武羣臣將
校皆給焉十月近臣軍校增給錦襪袍中書門下
樞密宣徽院節度使及侍衛步軍都虞候以上皇
親大將軍以上天下樂暈錦三司使學士中丞內
密省使駙馬留後觀察皇親將軍諸司使廂主以
上簇四盤鷗細錦三司副使官觀判官黃師子大
錦防禦使團練使刺史皇親諸司副使翠毛細錦
權中丞知開封府銀臺司審刑院及待制以上知
檢院鼓院同三司副使六統軍金吾大將軍紅錦
諸班及諸軍將校亦賜窄錦袍有翠毛宜男雲鴈
細錦師子練鵲寶照大錦寶照中錦凡七等應給
錦袍者皆五件公服錦寬袍綾汗衫袴勒帛丞
給舍大卿監以上不給錦袍者加

以黃綾其次四件無錦袍係大將軍及其次三
綉袍肚係將軍知雜御其次二件無勒帛係通事
件無袴係將軍知雜御其次二件無勒帛係通事
等官內職汗衫閣門祗候內供奉官至殿直京
以綾文臣以涓官編修校勘止給公服端午亦給應給錦袍者汗
衫以黃縠別加綉袍肚小扇誕聖節所給如時服
京師禁廂軍校衛士內諸司胥史朝官京官內職
及工以等入並皆給時服有差出為外任通判監押巡檢以上者大藩府監給之每
服十月時服開寶中皆賜窄錦袍太平興國以後
文官知制誥武官上將軍內職諸司使以上皆賜
錦朝官供奉官以上皆賜紫地造花歌正京官殿
直以下皆賜紫大綾在外禁軍將校亦賜窄錦袍
次賜紫綾色綃親王宰相生日賜衣五事宰相樞

密使宣徽使初拜加恩中射日亦如之郊裡禮畢宰相親王以下賜襲衣有差

士庶人之服太平興國七年李昉等奏議案唐制禁外官袍衫之內輒服朱紫近年品官綠袍舉子白紵之下多服紫色衣並望禁止已著緋者聽舉人私第通服皂衣職官之家子孫弟姪不用此制又案唐天成三年詔今後庶人工商只著白衣今請縣鎮公吏及工商伎術不係官樂人通服皂白從之端拱三年申明前詔令御史臺嚴加糾察又令巾子不得過二寸五分婦人禁戴假髻非命婦不得服銷金泥金真珠裝綴衣服至道元年十月許士庶工商通服紫咸平二年申明鋪金泥金之

禁大中祥符元年又禁以箔金金線飾器服八年復下詔自官禁迨臣庶之家一切服玩皆不得以金為飾嚴其科禁自是遂絕又禁民間服皂班纈衣

仁宗景祐二年八月詔本朝帝后及羣臣冠服多沿唐舊而循用之久則有司寢為繁文以失法度其令入內內侍省御藥院與太常院詳典故造冠冕蠲減玳華務從簡約俾圖以進由是改製衮冕服冕板截今廣八寸長一尺六寸所謂翠旒碧鳳二十四犀瓶一十四琥珀瓶四神帶二分旒玉鈎悉罷之而冕頂以青羅表繪龍麟以代龍麟錦用紅羅裏繪紫雲白鶴錦上以金絲為網而舊以金

絲感八龍正存其四又以青羅繪龍麟飾冕筭及
桂以易龍麟錦補空地以雲龍細窠以易玉金輪
等七寶其所施花墜素墜天河帶組款慢帶六綵
綬冕之金釳玉環皆裁損輕於舊而以青羅繪龍
麟錦為納言以代玉加璜纒玉簪上衣用青羅以
紅羅襪繡日月星山龍華虫火宗彝八章間以雲
踈密視所宜去所謂細窠及珠璣飾下裳用紅羅
綉藻及粉米黼黻蔽膝綉升龍二以雲補空地去
細窠除以銷黃金代之
慶曆三年太常博士余靖言周禮司服掌王之吉
凶衣服所祀鬼神大小以為制度今大中祠所遣
獻官用上公九旒九章冕服為初獻餘公卿皆七

旒冕制無差降小祠則公服行事乖戾舊典謂宜
詳周禮因所祭鬼神以等獻官冕服之制詔太常
禮官議復奏曰周官王之冕服有六自昊天至羣
小祀皆王者親祀而差六服視神之上下以為別
聖朝之制唯皇帝親祠郊廟及朝會大禮服衮冕
而其下諸冕皆不設歲奉常祀大中祠遣官行事
攝公則服一品九旒冕攝卿則服三品七旒冕悉
從品制為服不以祠之大小為等差至于小祠獻
官以公服行事謹案衣服令五旒冕衣裳無章皂
綾綬銅裝劍佩四品以下為獻官則服之今小祠
獻官既不攝公卿則屬四品以下當有祭服請公
卿祭服仍舊從品外小祠獻官如令以祭服行事

若非時告祭用香幣禮器行事亦准此詔施行焉
至和三年王洙奏天子法服冕旒形制重而華飾
繁願集禮官參定詔禮院詳定典禮上聞禮院繪
圖以進勅御藥院更造其後冕服稍增侈如故
景祐三年御史臺皇親侍祠大朝會大將軍至副
率當本品朝服且下有司製造詔禮官詳典故而
禮官言准令乘輿服并皇太子服並云絳紗袍諸
臣服即言絳紗單衣並當以單羅為之朝服有裏
者請除去及冠服非儀者皆當改正

皇祐四年禮院以中單制不明考求以奏曰禮繡
黼丹朱中衣大夫之僭禮也鄭康成曰此諸侯之
禮綉讀為綃綃繒名綉黼丹朱以為中衣孔穎達

曰黼刺繒為黼文丹朱赤色染繒為赤色中衣謂
以素為冕服之裏衣猶今中單晉詩素衣朱襮孔
穎達引釋器以釋之曰黼領謂之襮孫炎曰綉刺
黼文以樞領是襮為領也中衣者朝祭服之裏衣
其制如深衣故禮載深衣連衣裳而純之采者有
表則謂之中衣又魯詩表衣朱綃綃為綺屬然則
綃是繒綺別名為綃刺為黼文謂之綃黼綃上刺
黼以為衣領名為襮開元禮天子服衮冕玄衣纁
裳白紗中單羣官服衮冕青衣纁裳白紗中單今
者詳古服之中衣以素為之以朱為領緣而領刺
黼文即禮記所謂綉黼丹朱中衣詩所謂素衣朱
襮也今之祭服既有中單又別為裏與古弗合然

則中單之制宜用繒素而朱領緣領刺以黑白黼
文禮云大夫之僭禮則諸侯之服今五等祭服宜
悉依此制詔如太常議

仁宗時太平日久士民富樂寢為浮侈乃下詔禁
約令京師士庶得衣黑褐地白花藍黃紫地撮暈
花女子得衣白褐毛黻褐帛又屢下詔禁塗銷黃
金為衣服器物之飾嘉祐末詔禁天下衣黑紫

初皇親與內臣所衣紫皆再入為黝色後士庶
寢相效而言者以為奇袤之服故禁之服者猶
不止

英宗治平二年詔袞服如景祐三年制悉去繪畫
龍麟紫雲白鶴感金絲龍除下裳綉外袞服並繪

而不繡

知太常禮院李育奏言切以郊廟之祭本尚純
質袞冕之飾皆存法象非事繁侈重奇玩也冕
則以周官為本凡十二旒間以采玉加之以紘
紘筭瑱之飾袞則以虞書為始凡十二章首以
辰象別以衣裳繪綉之采東漢至唐史官名儒
紀述前制皆無珠翠龍錦犀寶七星雲鶴之飾
何則鷩羽蟠胎非法服所用琥珀犀餅非至尊
所冠龍錦七星已列采章之內紫雲白鶴近出
道家之語豈被袞戴璪象天則數之義哉自大
裘之廢顯用袞冕古朴稍去而法度尚存夫明
水大羹不可以衆味和雲門咸池不可以新聲

間袞冕之服不宜以玳恠累也若魏明之用珊
瑚江左之用翠翡侈靡衰播之餘豈足為聖朝
道哉且太祖建隆元年少府監所造冕服及二
年博士聶崇義所進三禮圖嘗詔尹拙竇義參
校之皆倣虞周漢唐之舊至四年冬服之合祭
天地於圜丘用此制也太宗亦嘗命少府製於
禁中不聞改作及章聖封太山禮官請服袞冕
帝曰前王服黑裘尚質也今則無羔裘而有袞
冕可從近制是豈有意於繁飾哉蓋後之有司
率意妄增未嘗推議遂相循而用故仁宗嘗詔
禮官章得象等詳議之其所減過半然不經之
飾重者多去輕者尚存不能盡如詔書之意故

至和三年王洙復議去繁飾禮官畫圖以獻漸
還古禮而有司所造復如景祐之前又案開寶
通禮及衣服令冕服皆有定法悉無會要所載
寶緣之飾况天地之德無物以稱宗廟之薦不
美多品惟純質之器法度之服僅可享之其袞
冕之服及鞞綬佩舄之類與通禮衣服令三禮
圖制度不同者宜悉改正詔太常禮院少府監
參定遂合奏曰古者冕服之用郊廟殊制唐典
天子之服有二等而大裘尚存顯慶初長孫無
忌等采郊特牲之說獻議廢大裘自是郊廟之
祭一用袞冕然旒章之數止以十二為節亦未
聞有餘飾也國朝冕服雖倣古制然增以玳異

巧縵前世所未嘗有夫國之大事莫大於祀而祭服違經非所以肅祀容尊神明也臣等以謂宜如育言參酌通禮衣服令三禮圖及景祐三年減定之制一切改造孔子曰麻冕禮也今也純儉吾從衆純者絲也變麻用絲蓋已久矣則冕服之制宜依舊以羅為之冕廣一赤二寸長二尺二寸約以景表赤前圓後方黝上朱下以金飾版側以白玉珠為旒貫之以五采絲繩前後各十二旒旒各十二珠相去一寸長二尺朱絲組為纓鞋續充耳金飾玉簪導深青衣纁裳十二章八章繪之於衣日月星辰山龍華蟲火宗彝也四章繡之於裳藻粉米黼黻也錦標領

織為升龍山龍而下一章為一行重以為等行十二別製大帶素表朱裏朱綠終韞紱烏大小綬亦去珠玉鈿窠琥珀玻璃之飾其中單革帶玉具劔玉佩朱襪之制已中禮令無復改為則法服有稽祭禮增重復詔禮院再詳明以聞而內侍省奏謂景祐中已裁定可因而用也乃詔如景祐三年制

神宗元豐元年詳定官言周禮司服云王祀昊天上帝則服大裘而冕祀五帝亦如之享先王則衮冕唐開元禮開寶通禮皇帝詣行宮及大次並服衮冕出次則改服大裘冕冕臨燔柴則脫衮服衮今赴行宮則服通天冠絳紗袍至大次則服靴袍

臨祭則以衮冕有戾於古請從唐制詔下參議禮
官咸謂大裘之制本以尚質而後世寢文今參考
舊說大裘冕無旒廣八寸長尺有六寸前圍低寸
二分而後方玄表朱裏以繒為之而以黑羔皮為
裘以黑繒為領袖當暑則請從梁陸瑋議以黑繒
為裘及唐興服志以黑羊皮為緣帝以去古遠不
經見使之審定而詳定官陸佃以為冕服有六弁
師掌王之五冕則大裘與衮同冕先儒或謂周祀
天地皆服大裘而大裘之冕無旒非是蓋古者裘
不徒服其上必有衣故曰緇衣羔裘黃衣狐裘素
衣麕裘謂服裘而以衮襲之此冬祀之服也夏祀
亦將衣裘乎周官曰凡四時之祭祀以宜服之明

夏必不衣裘也今欲冬至裡祀昊天上帝服裘被
裘其餘祀天神地示並服裘去裘其後禮部亦言
經有大裘而無其制隋唐猶可考隋制以黑羔皮
黑繒為領袖及裏緣被可運肘緣可蔽膝請令有
司改制

詳定所又言國朝以白珠為旒蓋沿漢舊而其冕
廣長之度自唐以來率意為之景祐中以叔孫通
漢禮器制度為法凡冕版廣八寸長六寸今以青
羅為表紅羅為裏則非弁師所謂玄冕朱裏者也
周回用金陵天版四面用金絲結網旁用珠花素
墜之類皆不應禮請改用朱組為紘玉笄玉瑱以
玄純垂瑱以五采玉貫於五色藻為旒以青赤黃

白黑五色備為一玉每一玉長一寸前後二十四
旒垂而齊肩宜表裏用繒庶協孔子麻冕純儉之
義古者祭服朝服之裳皆前三幅後四幅殊其前
後不相連屬前為陽故三以象奇後為陰故四以
象偶今裳乃以八幅為之不殊前後考古不合請
改用七幅幅廣二尺二寸兩旁各縫殺一寸謂之
前幅腰間辟積無數裳側有純謂之緋裳下有純
謂之裼裨裼之廣各寸半表裏合用三寸羣臣祭
服之裳倣此

又言古者皆以冕為祭服未有朝服而助祭者百
官不執事者皆服常袍衿玄以從此禮之失也宋
齊王公平冕九旒卿七旒梁隋則五等諸侯平冕

九旒卿大夫五旒唐開元略具五冕而百官各以
品服之令文祀儀冕有九旒七旒五旒今乃有四
旒冕又服者不以官秩故分獻四品官皆服四旒
冕博士御史則冕五旒而衣紫檀太祝奉禮則服
平冕而無佩玉此因循不講之失也古者朝祭異
服所以別事神事君之禮今皇帝冬至正旦御殿
服通天冠絳紗袍則百官當朝服至親祠郊廟皇
帝既嚴裘冕而侍祠之官亦朝服豈禮之稱哉古
者齊祭猶異冠况入神異禮朝祭異事乎百官雖
不執事不當朝服侍祠請親祠郊廟景靈宮除導
駕贊引扶宿衛宮外侍祠及分獻並服祭服當如
制修製五冕及爵弁以正冕弁之名又禮曰祀四

望山川則毳冕祭社稷五祀則希冕祭羣小祀則元冕今天子六服自鷩冕而下既不親祠廢而不
用則諸臣攝事當從王所祭之服請依周禮從之
三年詳定正旦御殿儀注所言周官司服王眡朝
則皮弁服鄭氏注視朝視內外朝之事王受諸侯
朝覲於廟則衮冕賈公彥曰覲禮天子衮冕負黼
衮故知朝覲在廟王服衮冕而春夏受摯在朝則
皮弁孔穎達曰天子朝服立於路門之外諸侯朝
服執摯入應門漢制百官賀正旦天子服通天冠
自晉以來天子郊祀天地明堂宗廟元會臨軒介
帨通天冠平冕冕阜表朱綠裏加於通天冠上衣
畫而裳綉九為日月星辰十二章自此元日受

朝始用祭服梁及隋唐既以因襲而本朝亦用衮
冕臣等以謂周禮朝覲若春夏受摯於朝則君臣
皆朝服秋冬受摯於廟則君臣皆祭服今元會行
禮於朝而天子服祭服羣臣服朝服未合禮意其
元日受朝賀宜服通天冠絳紗袍從之
詳定所又言按鄭氏說凡冕之制以版為中前圓
後方前低一寸二分廣八寸長尺六寸此廣長之
制也周官弁師曰諸公之纁旒九就昏玉三采其
餘如王之事而鄭氏以謂延統皆玄覆朱裏與王
同也又曰諸公纁旒皆就玉瑱玉笄而說者曰瑱
以塞耳笄以貫武鄭氏謂瑱或名為統君五色臣
三色笄者屈組為絃屈組謂以其一繫之左笄遶

順下自右而上仰屬於笄屈繫之垂其餘為飾今
羣臣之冕則以青為覆以金鍍銀綾非玄覆纁裏
之制自九旒冕而下皆綴兩緡帶以繫之非組紘
之制以纁為充耳非所謂玉瑱以犀為簪導非所
謂玉笄公卿之衣不以緡非所謂五冕冕又旁垂
青纁益非古制請製五冕其廣長如前元覆纁裏
以緡為之 纁就玉玉則衮冕九旒旒九玉玉三
采驚冕七旒旒七玉龜冕五旒旒五玉玉皆三采
先朱次白次蒼並以玉笄貫武青組為紘希冕三
旒旒三玉二采朱綠其元冕無旒爵弁前後平並
用象笄以緡組為紘纁邊旁以三色之紘垂玉瑱
以充耳其後詳定所言古者冕有紘冠有纁今衣

服令冕而用纁不與禮合請改用紘玉以朱組紘
九旒以青七旒五旒及平冕以緡纁邊而去其所
綴兩緡帶平冕改為玄冕用緡色赤而微黑者為
之

四年詳定儀注所言凡在朝君臣同服漢承秦改
六冕之制但玄冠絳衣魏以來名為五時朝服隋
唐謂之具服一品以下九品以上皆絳紗禪衣其
冠有五梁三梁二梁一梁之別隋志曰梁別貴賤
自漢始也綬則以組為之本以貫佩玉 承受韋
彤五禮精義綬以別尊卑彰有德故漢制相國至
百石長吏三采二采一采之等然則冠以梁之多
少別貴賤綬以采之麤縟異尊卑其來尚矣古者

制禮上物不過十二天之數也自上而下降殺以
兩畿外諸侯遠於尊者而伸則以九以七以五從
陽奇之數王朝公卿大夫近於尊者而屈則以八
以六以四從陰偶之數本朝衣服令通天冠二十
四梁乘輿服蓋二十四梁以應冕旒前後之數
若人臣之冠則自五梁而下與漢唐少異至於綬
則乘輿及皇太子以織成諸臣用錦為之一品二
品冠五梁中書門下加籠巾貂蟬諸司三品三梁
四品五品二梁御史臺四品兩省五品亦三梁而
綬有暈錦黃師子方勝練鵲四等之殊六品則去
劍佩綬隋唐冠服皆以品為定盡其時官與品輕
重相准故也今有品有官有職以品與職冠綬之

制則高下相抵牾請以官為定庶名實相副輕重
有准仍分官為七等冠綬亦如是

七梁冠

金塗

貂蟬籠巾

蟬舊以玳瑁為今乃改為

金附蟬狀

犀

簪導銀立筆朱衣朱裳白羅中單並皂褙襪蔽膝

隨裳色方心曲領緋白羅大帶革帶玉佩錦綬

天

下樂

青絲網間施三玉環白襖黑履

革帶以金塗銀玉佩以金

塗銀

為第一等宰相親王使相三師三公服之七

梁冠無貂蟬籠巾銀裝玉佩雜花暈錦綬餘同三

公服為第二等樞密使知樞密院執政官東宮三

師服之六梁冠白紗中單銀革帶佩方勝宜男錦

綬銀環餘同七梁冠服為第三等太學士學士直

學士東宮三少御史大夫中丞六曹尚書侍郎殿

中監大司成散騎常侍特進金紫銀青光祿三大
夫太尉節度使左右金吾衛上將軍服之五梁冠
翠毛錦綬餘同六梁冠服太子賓客詹事給事中
中書舍人諫議大夫待制九等卿大司樂秘書監
殿中少監國子祭酒宣奉通奉通議太中中大夫
中奉中散大夫上將軍節度觀察留後觀察使通
侍大夫樞密都承旨服之四梁冠簇四盤鷓錦綬
餘同五梁冠服九寺少卿大晟典樂秘書少監國
子辟廱司業少府將作軍器都水使者起居郎起
居舍人侍御史太子左右庶子少詹事諭德尚書
左右司郎中負外六曹諸司郎中朝議奉直朝請
朝散朝奉大夫防禦團練使刺史大將軍正侍中

侍中亮中衛拱衛左武右武大夫駙馬都尉帶遙
郡武功大夫以下樞密副都承旨服之三梁冠金
塗銅革帶佩黃獅子錦綬鍮石環餘同四梁冠服
殿中侍御史監察御史司諫正言尚書六曹負外
郎外符寶郎少府監作監軍器少監太子侍讀侍
講中舍人親王府翊善侍讀侍講九寺秘書殿中
少監辟廱丞大晟樂令兩赤縣令大理正司直評
事著作郎秘書郎著作佐郎太常宗學國子辟廱
博士太史局令正丞五官正朝請朝散朝奉承議
奉議通直郎中亮中衛拱衛左武右武郎諸衛將
軍率府率武功武德武顯武節武略武經武義武
翼郎醫藥翰林醫正以上內符寶郎閤門通事舍

入敦武修武郎服之二梁冠角簪方勝練散錦綬
餘同三梁冠服在京職事官閤門祗候看班祗候
率府副率升輦輅立侍內臣服之御史大夫中丞
刑部尚書侍郎大理卿少卿侍御史刑部郎中大
理寺正丞司直評事並冠獬豸冠服青荷蓮綬錦
羣臣祭服之制正一品九旒冕金塗銀後犀簪青
衣畫降朱裳蔽膝白羅中單大帶革帶玉佩錦綬
青絲網玉環朱襪履革帶以金塗銀玉佩以金塗銀親
祠大理使亞獻終獻太宰少宰左丞每歲太祠宰
臣親王執政官郡王充初獻服之奏告官以依本
從一品九旒冕花無額白綾中單紅錦綬銀環金塗
銀佩餘如正一品服親祠吏部戶部禮部兵部工

部尚書太廟進受幣爵奉幣爵宗室每歲大祠捧
俎官大祠中祠初獻官服之二品七旒冕角簪青
衣無降餘如從一品服親祠吏部侍中殿中監大
司樂光祿卿讀冊官大廟薦俎贊進飲福宗室七
祀配享功臣分獻官每歲大祀謂用宮大司樂大
祠中祠亞終獻大祠禮官小祠獻官朔祭太常卿
服之三品五旒冕皂綾綬銅環金塗銅革帶佩餘如
二品服親祠舉冊官太樂令光祿丞捧俎饌邊豆
簋簋官分獻官分獻壇太廟奉瓚盤薦香燈安奉
神主奉毛血槃蕭篚肝骨豆宗室每歲祠祭大樂
令大中祠分獻官服之無旒冕素青衣朱裳蔽膝
無佩綬餘如三品服奉禮協律郎郊社令太祝太

官令親祠臺鼎宮進搏參官太廟供亞終獻金筭
供七祀獻官執爵官服之五旒冕紫檀絕衣餘如
三品服監察御史服之三都初獻八旒冕經略安
撫鈐轄初獻六旒冕亞獻並二旒冕終獻無旒節
鎮防團軍初獻四旒冕亞終獻並無旒冕
百官公服舊制三品以上紫五品以上朱七品祿
九品青元豐之制去青不用階官至四品服紫至
六品服緋皆象笏佩魚九品以上則服綠以木為
笏上柱下方武臣內侍皆服紫而不佩魚假版官
及伎術若公人之入品者並聽服綠官應品而服
色未易與品未及而已易者或以年格或以特恩
治平四年京朝官衣緋綠十五年熙寧元年見任

陞朝官衣綠正郎以上衣緋二十年並改服色此
特恩也又今臣僚嘗奉使北朝及接押伴使人遇
到關起居赴宴會借服者聽服入朝

凡帶有玉有金有銀有犀其下銅鐵角石墨玉之
類各有等差玉帶不許施於公服犀非品官通犀
非特旨皆禁銅鐵角石墨玉之類民庶及郡縣吏
伎術等人皆得服之熙寧六年收復熙河等州帝
御紫宸殿宰臣王安石率羣臣稱賀上遂解所服
玉帶賜焉八年岐王顥嘉王顥言蒙賜方團玉帶
著為朝儀乞寶藏于家不敢服用帝不許命工別
琢玉帶以賜之顥等固辭不聽請加佩金魚以別
嫌詔以魚賜之親王佩玉魚自此始

元豐五年詔三師三公宰相執政開府儀同三司
節度使嘗任宰相者觀文殿學士以上金毯文方
團佩魚觀文殿學士至寶文閣直學士節度使御
史大夫中丞六曹尚書侍郎散騎常侍御僊花帶
內御史大夫六曹尚書翰林學士以上及
資政殿學士特班翰林學士上者仍佩魚
大觀二年詔中書舍人諫議大夫待制殿中少監
紅鞵犀帶不佩魚詳定禮文所言古者祭服皆玄
衣纁裳以象天地之色裳之飾有藻粉米黼黻考
工記曰白與黑謂之黼黑與青謂之黻今祭服上
衣以青其繡以裳者藻及粉米皆五色圓花藉之
而黼用藍黻用碧與黃且虎雉共一章粉米共一
章今皆異章而畫不應古制請下有司製五冕之

服章衮冕之章九

衣繪龍山華虫火虎

鷩冕之章

七

衣繪華虫火虎

毳冕之章五

衣畫虎雉藻粉

元冕衣無章裳刺黻其爵

弁則緇衣纁裳從之

詳定議註所言按周以上祭服無劍而有履胡周

官司服之職悉不著劍自秦及西漢艱危用武之

時朝祭服皆佩劍東漢大祭祀玉佩紉屨以行事

惟朝尚佩劍晉制服劍以木代之謂之班劍東齊

謂之象劍今冬正大朝會若服三代之冕服而用

三代之禮則去劍可也若服秦漢之服而用秦漢

之禮則存劍可也然文武異容佩劍之制不當施

於朝事又周禮以不脫屨為恭以脫屨為相親今

冬正朝會若用周禮則服當無劔若襲秦漢之故
又恐佩劔而趨朝脫屨而示恭與三代禮意不合
其冬正朝會乞約用周禮不服劔不脫屨舄從之
而禮文所亦言儀禮尸坐不脫屨鄭氏以為侍神
不敢惰又古者朝服不佩劔始加之後漢祭服亦
不佩劔劔者武備服以事神於義無取今祭祀用
三代冕服而加以秦劔尤為失禮於是又去景靈
宮太廟南郊儀註及熙寧祀儀內解劔脫舄履之
節

又言古者諸侯及羣臣助祭本無執玉帛羔鴈之
義故雖冕服但當執笏玉藻曰見於天子與射無
說笏入太廟說笏非古也說者以為太廟之中唯

君當事說笏非是請羣臣冕服助祭執笏當事則
搢笏其陪位官亦合冕服執笏從之

又言古者六冕皆赤舄詩曰王錫韓侯玄衮赤舄
則諸侯之舄與王同孔穎達亦謂卿大夫服冕者
赤舄餘服則屨士冠禮曰爵弁纁屨黑鈎纁純周
禮屨人掌王及后之服屨為赤纁黃纁青鈎素屨
葛屨而說者曰複下曰舄禪下曰屨而有鈎有纁
有純者飾也凡舄之飾如績次故舄之飾用對方
之色赤舄黑飾是也凡屨之飾如綉次故屨之飾
用北方之色白屨黑飾是也今冕服赤舄自天子
至四品官及監察監禮太祝奉禮皆以禪下為之
無舄屨之別又無鈎纁純之飾伏請六冕並用赤

烏皆複下為之以條為口緣又綴條於牙底相接之縫中以繒一寸屈之為絢著於屨首容穿繫以結於是為之行戒皆飾以黑云
哲宗元祐元年太常寺言舊制大禮行事執事官皆服祭服餘服朝服至元豐七年呂升卿始有行事及陪祠官並服祭服之議今欲令行事執事官並服祭服其贊引行事禮儀使太常卿太常博士閣門使樞密院官進接圭殿中監止供奉呈帝其陪位官止導駕押宿及主管事務并它處行事官仍服朝服從之

五月禮部言元豐所造大裘雖用黑羔皮乃作短袍樣襲於衮衣之下仍與衮服同冕未合典禮下

禮部太常寺共議

禮部負外郎何洵直在元豐中嘗預詳定以陸佃所議有可疑者八按周禮節服氏掌祭祀朝覲衮冕六人維王之太常郊祀裘冕二人既云衮冕又云裘冕是衮與裘各有冕乃云裘與衮同冕當以衮襲之裘既無冕又襲於衮中裘而表衮何以示裘衮之別哉古人雖質不應以裘為夏服蓋冬用大裘當暑則以同色繒為之記白郊祭之日王被衮以象天若謂裘上被衮以被為襲則家語亦有被裘象天之文諸儒或言臨燔柴脫衮冕著大裘或云脫裘服衮蓋裘衮無同冕兼服之理今乃以二服合為一可乎且

大裘天子吉服之最上若大圭大路之比是裘
之在表者記曰大裘不裼說者曰無別衣以裼
之蓋他服之裘褻故表裘不入公門事天以報
本復始故露質見素不為表襮而冕亦無旒何
必服它衣以藩飾之乎凡裘上有衣謂之裼裼
上有衣謂之襲襲者裘上二重衣也大裘本不
裼鄭志乃云裘上有元衣與裘同色蓋趙商之
徒附會為說不與經合襲之為義本出於重杏
非一衣也古者齊祭異冠齊服降祭服一等祀
昊天上帝五帝以裘冕祭則裘冕齊故鄭氏云
王齋服裘冕者祀天之齋服也唐開元之時始
以裘冕為齋服裘冕為祭服兼與張融臨燔柴

脫裘服裘之義合請從唐制兼改製大裘以黑
繒為之佃復破其說曰夫大裘而冕謂之裘冕
非大裘而冕謂之裘冕則裘冕必服裘冕不
必服裘今特言裘冕者主冬至言之周禮司裘
掌為大裘以共王祀天之服則祀地不服大裘
以夏日至不可服裘故也今謂之大裘當暑以
同色纁為之尤不經見兼裼襲一衣而已初無
重杏之義被裘而覆之則曰襲袒而露裘之美
則曰裼所謂大裘不裼則非裘而何玉藻曰禮
不盛服不充故大裘不裼則明不裼而襲也充
美也鄭氏謂大裘之上有元衣雖不知覆裘以
裘然尚知大裘不可徒服必以元衣以覆之玉

藻有尸襲之義周禮裘冕注云裘冕者從尸服也夫尸服大裘而襲則王服大裘而襲可知且裘不可以徒服故被以衮豈借衮以為飾哉今謂祭天用衮冕為齊服裘冕為祭服此乃襲先儒之謬誤後漢顯宗初服日月星辰十二章以祀天地自魏以來皆用衮服則漢魏祭天嘗服衮矣雖無大裘未能盡合於禮固未嘗有表裘而祭者也且裘內服也與袍同袍襲矣而欲禪以祭天以明示質是欲袂衣以見上帝也洵直復為大裘之裳纁色而無章飾夫裘安得有裳哉請從先帝所定其後詔去黑羔皮而以黑繒製造焉

徽宗大觀元年議禮局言太社大學獻官祝禮皆以法服奉祠至郡邑則用常服乞降祭服詔頒制度於州郡然未明製造至政和間始詔州縣冠服形製詭異令禮制局造樣頒下轉運司製造以給州縣焉

大觀中復詔置局議禮於是宇文粹中上所編祭服製度其論冕曰古者冕以木板為中廣八寸長尺六寸後方前圓後仰前低漆三十升之布元表朱裏後方者不變之體前圓者無方之用仰而元者升而辨於物俛而朱者降而與萬物相見後世以繪易布故純儉今羣臣冕板長一尺二寸闊六寸二分非古廣長之制以青羅為覆以金鍍銀稜

為飾非古元表朱裏之製乞下有司改正古者冕之名雖有五而縹就旒玉則視其命數以為等差合綵絲為繩用以貫玉課之縹以一玉為一成結之使不相并謂之就就間相去一寸則九玉者九寸七玉者七寸各以旒數長短為差今羣臣之冕用藥玉青珠五色茸線非藻玉三采二采之義每旒之長各八寸非旒數長短為差之義又獻官冕服雜以諸侯之制而一品服衮冕臣切以為非宜元豐中禮官建言請資政殿大學士以上侍祠驚冕觀察使以上服毳冕監察御史以上服希冕朝官以上服元冕選人以上爵弁詔許之而不用爵弁供奉官以下至選人盡服元冕無旒臣竊謂依

此參定乃合禮制古者三公一命衮則三公在朝其服當驚冕蓋出封則遠君而伸在朝則近君而屈今之攝事及侍祠皆在朝之臣也在朝之臣乃與古之出封者同命數非先王之意乞下有司制驚冕八旒毳冕六旒希冕四旒元冕三旒其次二旒又其次無旒依元豐詔旨參酌等降為侍祠及攝祭之服長短之度采色之別皆乞依古制施行又按周禮諸侯爵有五等而服則三所謂公之服自衮冕而下侯伯自驚冕而下子男自毳冕而下是古者諸侯有君之道故其服以五七九為節今之郡守猶曰猶古之侯伯其實皆王臣也欲乞只用羣臣之服自驚冕而下分為三等三都四輔

為一等初獻警冕八旒經略安撫鈐轄為一等初
獻毳冕六旒亞獻並玄冕二旒終獻無旒節鎮防
團軍事為一等初獻希冕四旒亞終獻並玄冕無
旒其衣服之制則各從其冕之等又曰今之紘組
仍綴兩繒帶而結於頤冕旁仍垂青纒而不以瑱
以犀為簪而不以玉笄象笄並非古制乞下有司
改正從之

政和三年議禮局上皇帝冕服之制衮冕冕板廣
八寸長一尺六寸前高八寸五分後高九寸五分
青表朱裏前後各十有二旒五采藻十有二就
一相青碧錦織天河帶長一丈二尺廣二寸朱絲
組帶為纓紘纒充耳金飾玉簪導長一尺二寸衮

服青衣八章繪日月星辰山龍華虫火宗彝纁裳
四章綉藻米粉黼黻蔽膝隨常色綉升龍二白羅
中單皂標襪紅羅革帛青羅抹帶緋白羅大帶革
帶白玉雙佩大綬六采赤黃黑小綬三色如大綬
間施玉環三朱襪赤舄黃羅緣親祠服之大裘青
表纁裏黑羔皮為領標襪朱裳被以衮服冬至祀
昊天上帝服之通天冠二十四梁加金薄山附蟬
高一尺廣一尺犀簪導朱絲組帶為纓絳紗袍織
成雲龍皂羅標襪紅羅為裏絳紗裙蔽膝如袍飾
並皂標襪繡雲龍白羅方心曲領革帶餘同冕服
大祭祀致齋詣景靈宮太廟行宮禮畢還宮元正
冬至大朝會臨軒冊命皇后皇太子諸王大臣親

耕籍田服之詔通行

議禮局上所定皇太子服飾之制衮冕垂白珠九旒紅組絲為纓青纒充耳犀簪導青衣朱裳九章五章在衣山龍華虫火宗彝四章在裳藻米黼黻白紗中單青襟襪裙革帶塗金銀鈎黼蔽膝隨裳色為火山二章瑜玉雙佩四采織成大綬間施玉環三白襪朱舄舄塗銀鈿加元服從袍納妃釋奠文宣王服之具服遠遊冠十八梁金塗銀花飾博山附蟬紅絲組為纓犀簪導朱明服紅裳白紗中單方心曲領絳紗蔽膝白襪黑舄餘同衮冕受冊謁太廟服之詔頒行

七年初作明堂禮制局言周禮祀昊天上帝則大

裘而冕祀五帝亦如之享先王則衮冕祀昊天上帝則郊祀是也享先王則宗祀在其中蓋於大裘舉正位以見配位於衮冕舉配位以見正位以天道事之則舉尊明卑以人道事之則舉卑明尊明堂以人道享上帝與郊祀異請從衮冕從之

八年十二月編類御筆所禮制局奏今討論到履

制度下項絢履上飾也纁飾底也純綠也綦履帶也古者舄履

各隨裳之色有赤舄白舄黑舄今履欲用黑革為之其絢纁純綦並隨服色用之以倣古隨裳色之意奉聖旨依議定仍令禮制局造三十副下開封

府給散鋪戶為樣制賞禮制局奏先議定履各隨服色綠武臣服色止是一等理宜有別奉聖旨文

武官大夫以上四飾全朝請武功郎以下減去一
纓並稱履宣義宣教郎以下至將校伎術官減去
二纓純並稱履

高宗紹興元年宗祀明堂僅有朝服十三副祭服
六十二副乃命工部增造祭服六十三副及贊者

樂武之服

贊者緋羅寬衫介幘樂正絳公服引舞
武弁冠緋綉抹額鸞衫革帶履又幘頭

紫綉袍抹額文武舞人紫純冕皂綉
袍革帶履樂工幘緋角寬衫勤帶

國子監丞王普言近世冕服制度沿襲失真夫
後方前圓後仰前低元表朱裏此冕之制也今
則方圓俯仰幾於無辨且以青為表而飾以金
銀矣衣玄裳纁裳前三幅後四幅此衣裳之制
也今則衣色以青裳色以緋且為六幅而不殊

矣山以章也今則以墮火以圓也今則以銳宗
彝宗廟虎雉之彝也乃畫虎雉之狀而不為彝
粉米米而粉之者也乃分為二章而以五色圓
花為藉佩有衡璜琚瑀衡牙而已乃加以雙滴
而重設二衡綬以貫佩玉而已乃列為錦綬而
間以雙環以至帶無紐約帶無肩頭舄無約纓
中衣無連裳其他訛謬未暇悉舉祖宗屢嘗講
究以舊服數多不欲廢棄渡江之後舊服無存
者明堂所造纓數十副因宜茲改作是正訛舛
一從周制事下太常五月禮官言國家承唐舊
初有五冕之名其後去三公衮冕及希冕但存
七旒鷩冕五旒毳冕無旒玄冕凡三等自尚書

服毳至光祿丞亦服焉貴賤無差宜增驚冕為八旒毳冕為六旒復置希冕為四旒并無旒玄冕為四等其他制作失宜當改正者今普以圖式送寺脩改

十三年禮部侍郎王賞言按周禮王祀昊天上帝服大裘而冕元豐中何洵直議以黑繒作大裘如衮惟領袖用羔議者謂純用羔恐太重難服今請如洵直議從之

皇太子之服中興後如政和制其後詔太子繫通犀玉帶不佩魚先是禮官參稽禮典謂無佩魚之文舊制親王賜玉帶加佩玉魚皇太子受責服遠遊冠朱明衣執桓圭謁太廟別廟行禮服衮冕朝謁景靈宮

服常服

七年三月禮官言朝謁景靈宮所服典故不載請依禮服常服先定元年十一月

詔皇太子遇大宴賜花比親王增其四樂杖二以羅製之淳熙十四年命皇太子參夾隔日與宰執公製之鞋相見于議事堂嘉定二年七月皇太子奏製造冠冕合用珠玉皇后盡出首飾付道司節約之美超古冠今請宣付使館

皇子之服紹興三十二年禮官言皇子鄧慶恭三

王遇行事服朝服則七梁額花冠貂蟬籠巾金鍍

銀立筆真玉佩綬金鍍銀革帶烏皮履若服祭服

則金鍍銀八旒冕真玉佩綬金鍍銀革帶烏皮履

若服祭服則金鍍銀八旒冕真玉佩綬緋羅履襪

詔文思院製造隆興二年令祗候庫以真玉為鄧

慶恭王大禮所服玉佩綬

羣臣祭服朝服之製中興後如政和初定

羣臣章服之制魚袋紫以金緋以銀涖事及二十
年者賜緋服緋及二十年者賜紫惟草沛則凡服
綠服緋十五年者皆改賜有司或自補官理歲月
紹興三十二年殿中侍御史張震言貴近之子初
年受命則十五歲已服緋初年賜緋則年未冠已
賜紫失於太濫遂以出官之日為始比之蒞事所
減已多比之初補粗為有節若勞績可稱或奏對
稱旨而特恩改賜者不拘此制紹興五年慶典致
仕官朝奉郎八十
以上賜緋紫章服京朝官八十以若庶官除侍郎服
緋綠者謝日改賜章服則始於建炎四年之詔內
外臣寮以減磨勘轉官及郊裡恩回授父改章服
則始於紹興五年從葛與時周葵之請其特賜

章服者亦張所以招撫河北陳公輔以諫臣論奏
得體李德鄰李朝正以縣令召對司業高閔祭酒
林光朝秘書監少游操陳騤鄭丙以車駕幸學省
餘不勝紀隆興二年賜吳益紫花羅公服用用韋淵
乾道
十四年賜鄭藻厚熙乾道四年賜太學上舍生左承
十六年賜郭師禹務郎黃倫袍笏於崇化堂祇受後釋褐
皆如之
中興以來文武臣初除正謝進士唱名賜襲衣章

服及百官賜時服並遵用省記崇寧看詳祇候庫
格乾道三年戶部言左藏東西庫每歲所賜錦襖
親王宰執以全匹餘裁裂給之請皆以全匹從
之技術官之服有紫緋綠乾道二年謙醫藥方勞賜紫
朱仲道
有司言舊制醫官未會賜緋等賜紫者許執紫
襲
詔特於祇候軍給賜若安南國加恩則賜衣襲
紫
紫羅夾公裳綾汗衫勒舊制服帶乘輿東宮以玉
帛袴紅羅夾絳

輔臣侍從以金親王勳舊間賜以玉其次有犀有角玉帶乘輿以排方東宮不佩魚親王佩玉魚大臣勳舊佩金魚中興以來宗室如居廣士鞞璩伯圭勳臣如劉光世吳璘舊弼如史浩外戚如吳蓋揚次山等皆賜玉帶以示異恩其賜金帶及紅鞞犀帶佩魚如元豐以來故事紹興元年詔已給賜者不再賜遷除合加魚袋者賜之三年詔侍從金帶於左藏庫閑借管軍帶御器械朝謝武臣朝辭賜金帶並許繫宗室正任及殿庭供職橫行亦如之是歲賜岳飛金帶其將佐其花犀帶非宗室不許服門官亦許繫金帶或經筵進講終篇講官賜金帶象簡鞍馬紹興九年詔太常寺應奉祇應使臣亦依門例

朝寶訓終篇宰簡賜象簡金帶侍讀以下賜鞍馬
服紅鞞前宰執不帶職者同庶官復職者亦許繫笏頭毬文金帶紹興六年秦檜以觀文姜詵以曹臣賜金御仙花帶後權工部侍郎詔依本班服繫又太上皇帝三月詔樞密院諸房副承旨令賜金帶八年詔左諫議大夫姚憲嘗為侍郎賜金帶令依舊服繫者為例又詔中書舍人左右諫議大夫龍閣至敷文閣待制權侍郎服紅鞞排方黑犀帶仍佩魚故事從官不帶侍制以上職各而罷射保信軍節度使鄭藻起居舍人王卿月等中的賜襲衣金帶三年詔武臣知州軍官未陞朝者依

文臣守倅借服色例權繫紅鞞角帶曰依舊紹
熙四年四川制置使京鏜因任賜金帶嘉定十四
年詔宗室節度使帶嗣王郡王國公及檢校并許
佩魚高宗皇帝初開大元帥府賜以寵行吾逐辭
父取不皇帝曰朕昔在東宮太皇太后賜此帶賜朕躬宜
與二御賜韓世忠帶笏二十五年賜宗澤襲衣金帶紹
興衣御仙花帶凡郊祀加恩及襲封皆賜焉并天祚
三匹金鑲銀鞍轡纓絃其賜外國金帶皆以銀為
匣嘉定中真德秀余曩李高陳收以帥臣揚簡以為
者偏各賜金帶也

高宗初踐祚于南郊隆祐太后命內臣上乘輿服
御有小冠太后曰祖宗間燕之所服也退朝帽而
冠小自神宗始易以巾願即位後退朝間燕止戴此
冠庶幾如祖宗時氣象履袍亦白靴袍乾道七年
改履為靴

赭黃淡黃袍衫玉裝紅束帛紋鞞大宴則服之赭
黃淡黃襖袍衫紅袍常朝服之窄袍便坐視事服
之赭黃袍衫而下皆阜紗折上巾通犀金玉環帶
窄袍或御烏紗帽黃袍忌前一日服之紹興五年
款謂太廟別廟其白乃忌前禮官請禁中先服後
紅袍者廟行禮畢還內至宮中易忌前之服
殿早講皇帝服帽子紅袍玉束帶講讀說書官公
服繫鞋晚講皇帝服頭巾背子講官易便服此嘉
年講筵之制也

石林葉氏燕語曰余見大父時家居及燕見
賓客至多頂帽而繫勒帛猶未甚服楷子帽
下戴小冠簪以帛作横幅約髮號額子處室
中則去帽見冠簪或用頭巾也古者士皆有

冠帽乃冠之遺製頭巾賤者不冠之服耳勒帛亦垂紳之意雖施之外不為簡背子本半臂武士服何取於禮乎或云勒帛不便於搢笏故稍易背子然須用上襟腋下與背子垂帶余大觀間見宰執接堂吏押文書猶冠帽用背子今亦廢矣而背子又引為長袖與半臂製亦不同裏賤者巾衣武士服而習俗之久而不以為異古禮之廢大抵類此也
又曰劉丞相摯家法儉素閨門雍睦凡冠巾衣服制度自其先世以來嘗守一法不隨時增損故承平時其子弟雜處士大夫間望而知其為劉氏也數十年來衣服詭異雖故老

達官亦不免從俗與市井謾浮略同而不以為非舊鳳翔郿縣出縞以緊細如箸者為貴近歲衣道服者縞以大為美圍率三四寸長二三丈餘重複腰間至五七返以真茸為之一縞有直十餘千者此何理也

程氏演繁露曰襦者短衫也莊子曰未解裙襦廉范傳曰昔民無襦今五袴也褐者裾垂至地張良傳有老父衣褐至良所師古曰褐制若裘今道士所服者是也裘即如今之道服也斜領交裾與今長背子略同其異者背子開袴衷則縫合兩腋也然今世道士所服又略與裘異衷之兩裾交相掩擁而道士則

兩裾直垂也師士略舉其槩故不能詳也長
背子古無之或云近出宣政間然小說載蘇
文忠禪衣襯朝服即在宣政之前矣詳今長
背既與裘製大同小異而與古中單又大相
似殆加減其制而為之耳中單腋下縫合而
背手則離異其裾中單兩腋各有帶冗其腋
而互穿之以約定裏衣至背子則既悉去其
帶惟此為異也至其用以襯藉公裳則意制
全是中單也今世好古而存舊者縫兩帶綴
背子掖下垂而不用蓋放中單之交帶也雖
不以束衣而遂舒垂之欲存古也太平御覽
有仙公請問經其文曰太極真人曰學道當

潔淨衣服備巾褐制度名曰道之法服也巾
者冠中之中也褐者長裾通冒其外衣也巾
褐皆具乃中道家法服之制今世衣直掇為
道服者必本諸此也
又傳授經曰老子去周左慈在魏並葛巾單
裾不著褐則是直著短衫而以裾束其上不
用道家法服也晉王獻之書羊欣練裾朱公
叔絕交論謂西華之子冬月葛衣練裾蓋古
人不徒衣袴必以裾襲之是正上衣下裳之
制也

文獻通考卷之一百十四

王禮考 鄱陽馬端臨 貴與 著

后妃命婦以下首飾服章制度

周官追師掌王后之首服為副編次追衡笄為九

嬪及外內命婦之首服以待祭祀賓客鄭司農云

者婦人之首飾玄謂副之言覆所以覆首為之飾

其遺象若今步遙矣服之從王祭祀編列髮為

短為之所謂髮髻服之見王后之燕居亦纏

笄物而巳追猶治也詩云追琢其章王后之衡笄

皆以王為之惟祭祀有衡垂于副之兩旁當耳其

下以統懸璜詩云玼兮玼兮其之翟也璜髮如雲

鞞衣也王之璜也璜者內外命婦非王

祭祀賓客佐侯之禮自於其家則亦降焉少牢饋

服禮曰主人爵弁以迎移袂祿衣之袂凡諸侯夫人

於其國衣與王后同○疏曰按詩有副笄六珈謂以六物加於副上未知用何物故鄭注詩云副既笄而加飾古之制所有未聞是也鄭必知三翟之服有六首服皆冕則后之祭服有三首服皆副可知

陳氏禮書曰副者翟之配以配禕翟則禮所謂副禕是也以配榆翟則詩所謂副笄六珈其之翟也是也祿衣之配禮所謂女次純衣是也然則編為鞠衣展衣之配可知矣禮男子冠婦入笄男子免婦入髻婦人之飾不過以髮與笄而已則副之覆首若步遙編之編髮若假紒次之次第其髮為髮髻云者蓋有所傳也莊子曰禿而施髻詩曰鬢髮如雲不屑髻也左傳曰衛莊公髡已氏之妻髮以

為呂姜髻說文曰髮益髮也蓋髻所以益髮而鬢髮者不屑焉詩曰被之僮僮則被之不特髮鬢也少牢曰主婦被錫衣侈袂則被錫者非髮髻也鄭氏皆以為髮髻非是又曰婦人首飾副也編也次也纒笄也觀士昏禮女次純衣姆纒笄宵衣特牲禮主婦纒笄宵衣則副編次之下纒笄其飾也楚語司馬子期欲以妾為內子訪之左史倚相曰吾有妾而愿欲笄之其可乎蓋古之為妾者不笄士姆纒笄亦攝盛也鄭氏曰王后之燕居亦纒笄摠而已此不可考內司服掌王后之六服禕衣榆狄闕狄鞠衣居衣

綠衣素沙鄭司農云禕衣是畫衣也祭統夫人副

衣色喪大記復者朝服若似禕與屈相似皆婦人之

以禮衣黃屈音聲與闕相似禕與屈相似皆婦人之

服物衣黃而南素質五色赤衣也玄謂翟當為翟翟

名伊維而綴於衣以文章禕衣畫翬者禕衣之形

布采畫之綴於衣以文章禕衣畫翬者禕衣之形

則服禕衣祭先公則服禕衣祭先王祭先王

薦衣黃桑服也帝告桑事展衣以禮見王及賓客之

報亦以燕居男子之為言亶亶誠也祿衣御于王之

於此矣禕衣禕衣禕衣禕衣禕衣禕衣禕衣禕衣

其色則禕衣禕衣禕衣禕衣禕衣禕衣禕衣禕衣

皆兼衣制以白縹為裏使之張顯今世有沙縠者多

出於此○疏曰素沙非服之名亦服之外別言之者

比素沙與上連則此素沙亦使之張顯但婦人之服不

九章弁以下常服有三與后下連也王之服同有

王之祭服有六后祭服唯三翟者天地山

川社稷之等有后夫人不與故三翟者天地山

命婦之服鞠衣展衣綠衣素沙內命婦也展衣其夫

也緣女御也外命婦者其夫也則服綠衣三夫人

卿大夫之妻則闕狄唯二五後禕衣○疏曰內命婦

及公之妻則闕狄唯二五後禕衣○疏曰內命婦

之夫人亦闕狄唯二五後禕衣○疏曰內命婦

鄭必知有六服唯得鞠衣以下者三服也但九嬪以

婦女御三等展衣以下者三服也但九嬪以

者九嬪也展衣以下者三服也但九嬪以

玉藻王后禕衣夫人榆狄夫人三人也王者之

亦禕衣○疏曰三夫人與三公同對王為屈三夫人

執璧與子男同則三夫人與三公同對王為屈三夫人

司命疑而王者之定云三夫人亦禕衣者以禮記每云

祭其先夫人副禕衣上服也若祭先公則降焉魯祭先

則降焉魯祭先文王周公其夫人亦禕衣中是也堂君

命屈狄再命禕衣一命檀衣士祿衣周禮作闕謂

刻緇為翟不畫也此子男之夫人及卿大夫士

之妻命婦也禕當為鞠字之誤也禮天子諸侯命

制其適有等級焉皇后謁廟倣結步搖簪珥步搖
以黃金為山題貫白珠為桂枝相繆一爵九華熊
虎赤羆天鹿辟邪南山豐大特六獸詩所謂副笄
六珈者詩傳曰副者后夫人之首飾編髮為之笄
衡笄也珈笄飾之最盛者所以別尊卑也
鄭玄曰珈之言加也副既笄而加飾如今步搖上
飾古制未聞其南山豐大特按史記秦文公二十
七年伐南山大梓豐大特徐廣注云今武都故都
有怒特祠圖大牛上生樹木有牛從木中出後見
於豐諸爵獸皆以翡翠為毛羽金題白珠璫繞以
翡翠為華云貴人助蠶制大手結墨璫瑁又加簪
珥長公主加步搖公主大手結皆有簪珥公卿列
侯中二千石二千石夫人紺繒茵黃金龍首銜白
珠魚須適長一尺為簪珥
太皇太后皇太后入廟服紺上阜下蠶服青上縹

下皆深衣制徐廣曰別單衣也縹音疋繞反隱領袖緣貴人助蠶

服純縹上下長公主冕會自公主封君皆以上帶

綬以采組為緄帶各如其綬色黃金辟邪首為帶

鑄飾以白珠公卿列侯中二千石夫人入廟佐祭

者服阜綃上下助蠶者縹綃上下自二千石夫人

以上至皇后皆以蠶衣為朝服公主貴人妃以上

嫁媵得服錦綺羅縠繒采十二色重緣袍特進列

侯以上錦繒采十二色六百石以上重練采九色

禁丹紫紺三百石以上五采青絳黃紅綠二百石

以上四采青黃紅綠賈人緇縹而已緇布黃色

魏制貴人夫人以下助蠶皆大手髻七鈿音蔽髻

黑璫瑁又加簪珥九嬪以下五鈿世婦三鈿諸王

妃長公主大手髻七鈿蔽髻其長公主得有步搖
皆有簪珥公特進列侯卿校世婦以下夫人紺繒
齒黃金龍首銜白珠魚須擗長一尺為簪珥其服
制不依古法多以文繡晉依前代皇后首飾則髻
步搖簪珥步搖以黃金為山題貫白珠為枝相繆
八爵九華熊虎赤羆天鹿辟邪南山豐大特六獸
諸爵獸皆以翡翠為毛羽金題白珠璫繞以翡翠
為花皇后謁廟依前漢服制阜上縹下隱領兩緣
元康六年詔以純青服助蠶之服純縹為上下自
公主以上皆帶綬以綵組為緄帶各如其綬色金
辟邪首為帶玦公特進列卿世婦中二千石夫人
入廟助祭者阜綉上下助蠶者緄綉上下自二

千石以上至皇后皆以蠶衣為朝服

宋依漢制太后入廟祭祀首飾翦菴幘皇后親蠶
首飾假髻步搖八雀九華加以翡翠復依晉法皇
后十二鈿步搖大手髻公主會見三夫人手髻七
鈿蔽髻公夫人五鈿世婦三鈿其長公主得有步
搖公特進列侯夫人二千石命婦年長者紺繒幘

太后皇后入廟服袿襜上圭下屬大衣謂之禕衣公主

會見封君以上皆帶綬以采為緄帶各如綬色公
特進列侯夫人卿校世婦二千石命婦年長者入
廟佐祭皂綉上下助蠶則青綉上下自皇后至二
千石命婦皆以蠶衣為朝服按漢劉向曰古者天子

命婦必佩玉尊卑各有其制皇后至
命婦所佩玉古制不存今與外同制

齊因宋制公主會見大首髻不易舊法桂襪用綉
為衣裳黃綬貴嬪夫人貴人王大妃長公主封君
皆紫綬六宮郡公侯夫人青綬
陳因前制皇后首飾假髻步搖簪珥步搖並如開
國公侯大夫人夫人大手髻七鈿蔽髻九嬪及公
夫人五鈿世婦三鎮其長公主得有步搖公特進
列侯卿校中二千石夫人紺繒幘黃金龍首銜白
珠魚須適長一尺為簪珥皇后謁廟桂襪大衣皂
上皂下親蠶則青上縹下隱領紬綠貴妃嬪佩于
闈玉獸頭鞶九嬪佩采玉瓊玉自二千石以上至
皇后皆以蠶衣為朝服
後魏天興六年詔有司始制冠冕各依品秩以示

等差然未能皆得舊法

北齊依前制皇后首飾假髻步搖十二鈿八雀九
華內命婦以上蔽髻唯以鈿數花釵多少為品秩
二品以上金玉飾三品以下金飾內命婦左右昭
儀三夫人視一品假髻九鈿三品五鈿蔽髻四品
三鈿五品一鈿又有官人女官第二品七鈿蔽髻
三品五鈿四品三鈿五品一鈿七品大手髻八品
偏髻所交髻皇太子妃假髻步搖九鈿郡長公主
七鈿蔽髻太子良娣視九嬪女侍中五鈿內外命
婦官人女官從蠶則各依品次還著蔽髻皇后助
祭朝會以褱衣祠郊禱以瑜翟小宴以闕翟親蠶
以鞠衣禮見皇帝以展衣宴居以祿衣六服俱有

蔽膝織成緄帶內外命婦以上從五品以上金章
紫綬服褕翟雙佩山玄玉九嬪視三品銀章青綬
鞠衣佩水蒼玉世婦視四品銀印青綬展衣八十
一御女視五品銅印黑綬祿衣又有官人女官服
翟闕三品鞠衣四品展衣五品六品祿衣七品八
品九品俱青紗公服皇太子妃璽綬同皇太子服
褕翟從蠶則青綬紗公服郡長公主王國太妃纁
朱綬章服珮同內命婦一品郡長君玄朱綬闕翟
章珮與公主同郡君縣公主佩水蒼玉餘與郡長
君同太子良娣九嬪服縣主青朱綬餘與良娣同
女侍中假金印紫綬服鞠衣佩水蒼玉縣君銀蒼
青朱綬餘與女侍中同太子孺子同世婦太子家

人同御女鄉主鄉君素朱綬佩水蒼玉餘與御女
同外命婦皆如其夫若夫假章印綬佩妻則不假
一品二品服闕翟三品服鞠衣四品展衣五品祿
衣內外命婦宮人從蠶則各依品次皆服青紗公
服其外命婦綬帶鞶囊皆准其夫公服之例百官
之母詔加太夫人者朝服公服各與其命婦服同
後周制皇后首飾花釵十有二樹諸侯之夫人亦
皆以命數為之節三妃三公夫人以下又各依其
命一命再命者又俱以三為節后服十有二等其
翟衣六從皇帝祀郊禩享先皇朝皇太后則服翟
衣祭陰社朝命婦則服褕衣祭羣小祀受獻繭則
服鷩衣採桑則服鳩衣音黃卜從皇帝見賓客聽女

教則服鷩衣

音白

命婦歸寧則服翬衣

音玄

俱

十有二等以翬翟為領標各有二臨婦學及法道

門燕命婦有時是命婦則蒼衣春齊及祭還則青

衣夏齊及祭還則朱衣採桑齊及採桑還則黃

衣秋齊及祭還則素衣冬齊及祭還則玄衣自青

衣而下其標領以相生之色諸公夫人九服其翟

衣翟皆九等俱以榆翟為領標各九自榆衣以下

鷩鷩翟朱黃素玄等九也自朱衣而下其標領

亦用相生之色諸侯夫人自鷩衣而下八其翟衣

翟皆八等俱以翟為標領無榆衣諸伯夫人自鷩

而下七衣其翟衣翟皆七等俱以鷩翟為領標又

無鷩衣諸子夫人自鷩衣而下六其翟衣俱以鷩

翟為領標又無鷩衣諸男夫人自翬衣而下五其

翟衣翟皆五等俱以翬翟為領標又無鷩衣三妃

三公夫人之服九鷩衣鷩衣翬衣青衣朱衣黃衣

素衣玄衣綃衣其翟亦九等以鷩翟為領標各九

三孤之內子自鷩衣而下八翟皆八等以鷩翟為

領標各八九嬪六卿之內子自翬衣而下七翟皆

七等以翬翟為領標各七上媛上大夫之孺人自

青衣而下六中媛中大夫之孺人自黃衣而下四

御婉士之婦自素衣而下三中宮六尚緌子侯衣

諸命袞之服曰公服其餘常服曰私服

隋因之皇后首飾花十二樹皇太子妃公主王妃

三師三公及公夫人一品命婦並用九樹侯夫人

二品命婦並八樹伯夫人三品命婦並七樹子夫
人世婦及皇太子昭訓四品以上官命婦並六樹
男夫人五品命婦並五樹女御及皇太子良娣三
樹自皇后以下小花皇后禕衣鞠衣青衣朱衣四
等禕衣深青質織成領袖文以翬翟五采重行十
二等素沙內單黼領羅縠襍襪色皆以朱蔽膝隨
裳色以緞為緣用翟三章大帶隨衣裳飾以朱緣
之錦青緣革帶青襪舄舄以金飾白玉佩玄組綬
章采尺寸同於乘輿祭及朝會大事服之鞠衣黃
羅為質織成領袖蔽膝革帶及舄隨衣色餘准禕
衣親鷩服也青衣去大帶及珮綬金飾履禮見天
子則服之朱服如青服有金璽盤螭鈕文曰皇后

之璽冬正大朝則并璜琮各以笥貯進於座隅皇
太后同於后服而貴人以下並亦給印三妃服綉
翟金章龜鈕文從其織成紫綬金縷獸頭鞶囊佩
于寘玉九嬪服闕翟金龜鈕文從織成佩采璫玉
婕妤銀縷織成他如嬪服美人才人鞠衣銀印珪
鈕獸爪鞶囊佩水蒼玉餘同寶林服展衣艾綬鞶
囊佩玉同婕妤承衣刀人采女皆綠衣無印綬皇
太子妃服綉翟衣九章金璽龜鈕素沙內單黼領
羅襪色皆同朱蔽膝二章大帶同禕衣青祿革帶
朱襪青舄舄加金飾佩瑜玉纁朱綬獸頭鞶囊凡
大禮見皆服之唯侍親桑則用鞠衣珮綬與綉衣
同良娣鞠衣銀印青綬獸爪鞶囊餘同世婦寶林

八子展衣銅印佩水蒼玉艾綬諸侯三大妃妃長
公主三公夫人一品命婦綸翟繡為九章佩山玄
玉獸頭鞶囊綬同夫色公夫人縣主二品命婦亦
綸翟繡八章從親桑同鞠衣自此以下珮皆水蒼
玉侯伯夫人三品命婦亦服綸翟繡為七章子夫
人四品命婦服闕翟刻赤繒為翟綬衣上為六章
男夫人五品命婦闕翟五章若從親蠶皆同鞠衣
唐皇后之服三褱衣者受冊助祭朝會大事之服
也深青織成為之畫翬赤質五色十二等素紗中
單黼領朱羅縠標襪蔽膝隨裳色以緞領為緣用
翟為章三等青衣革帶大帶隨衣色裨紐約佩綬
如天子青襪舄加金飾鞠衣者親蠶之服也黃羅

為之不畫蔽膝大帶革帶舄隨衣色餘同褱衣鈿
釵禮衣者燕見賓客之服也十一鈿服用雜色而
不畫加雙佩小綬去舄加履首飾大小華十二樹
以象袞冕之旒又有兩博鬢

皇太子妃之服有三綸翟者受冊助祭朝會大事
之服也青織成文為搖翟青質五色九等素紗中
單黼領朱羅縠標襪蔽膝隨裳色用緞為領緣以
翟為章二等青衣革帶大帶隨衣色鈿釵禮衣者
燕見賓客之服也九鈿其服用雜色制如鞠衣加
雙佩小綬去舄加履首飾花九樹有兩博鬢合婦
之服六翟衣者內命婦受冊從蠶朝會外命婦嫁
及受冊從蠶大朝會之服也青質繡翟編次於衣

及裳重為九等青紗中單黼領朱紬襪裾蔽膝
隨裳色以緞為領緣加文綉重雉為章二等大帶
隨衣色以青衣革帶青襪舄佩綬兩博鬢飾以寶
鈿一品翟九等花釵九樹二品翟八等花釵八樹
三品翟七等花釵七樹四品翟六等花釵六樹五
品翟五等花釵五樹寶鈿視花樹之數鈿釵禮衣
者內命婦常參外命婦朝參辭見禮會之服也制
同翟衣加雙佩小綬舄加履一品九鈿二品八
鈿三品七鈿四品六鈿五品五鈿禮衣者六尚寶
林御女采女女官七品以上大事之服也通用雜
色制如鈿釵禮衣唯無首飾佩綬公服者常供奉
之服也去中單蔽膝大帶九品以上大事常供奉

亦如之半袖裙襦者東宮女史常供奉之服也公
主王妃佩綬同諸王花釵禮衣者親王納妃所給
之服也大袖連裳者六品以下妻九品以上女嫁
服也青質素紗中單蔽膝大帶革帶襪履同裳色
花釵履笄兩博鬢以金銀雜寶飾之庶人女嫁有
花釵以金銀瑠璃塗飾之連裳青質青衣革帶襪
履同裳色婦人燕服視夫百官女嫁廟見攝母服
五品以上媵降妻壹等妾降媵一等六品以下妾
降妻一等

宋朝皇后之服常服龍鳳珠翠霞帔其唐制三等
禕衣鞠衣禮衣仍存其名

太宗端拱二年禁婦人戴假髻非命婦不得服泥

金銷金真珠裝綴衣服
仁宗幼皇太后聽政天聖元年詔議皇太后禮服
而太常禮院言開寶禮皇太后當禕衣以青皮革
帶青襪舄白玉雙佩黑組雙大綬素紗中單蔽膝
大帶首飾花十二株受冊親蠶朝會諸大事則服
之又隋制后服四等其四曰朱衣以緋羅為之宴
見賓客則服之今議每朝謁神御往還乘輦服朱
衣而加蔽膝革帶大帶寶裝綬佩襪金飾履悉如
衣之色常視事去蔽膝革帶珮襪或衣鞠衣則以
黃羅為之亦用寶裝綬大帶履命內侍周文質如
所議以製至二年五月上之明道元年詔以二月
耕藉而皇太后恭謝于宗廟乃命王舉正李淑同

禮官講藉田禮及皇太后謁廟儀禮官議謂皇太
后宜準皇帝衮服減二章衣去宗彝裳去藻不珮
劍塗龍花十六株前後垂珠翠各十二旒以衮衣
為名詔名其冠曰儀天又言皇太后乘玉輅服禕
衣九龍花釵冠行禮服衮衣冠儀天冠皇太妃皇
后乘重翟車服鈿釵禮衣以緋羅為之具蔽膝革
帶珮綬履其冠用十二株花釵太廟行禮並服禕
衣詔可之敕有司製禮衣及重翟以下六車太后
遂以車服謁太廟
天聖三年令命婦許以金為首飾及為釵簪釧纏
珥環母得為牙魚飛魚奇巧飛動若龍形其用銀
母得塗金非命婦之家母得衣珠玉凡帷帟幙幔

簾旌牀襦毋得純錦徧繡
慶曆二年詔曰朕躬至儉之化以率天下何延流
俗尚淪奢薄浮華相趨蠹用深廣銷潰珍寶變夸
服裳效魚龍之飾奸輿輦之制積踰法度公冒典
刑頃在先朝嘗詔執事者嚴為之禁仍開購賞用
警弗率比年亦嘗申飭之如聞未習猶復抵冒宜
先宮掖下暨民庶一皆屏絕自內廷后官以下毋
得衣銷金貼金縷金蹙金間金圈金釧金剔金陷
金明金泥金楞金脊金闌金盤金織金線金撚金
等服臣庶犯者必致之法
皇祐元年詔婦人所服冠高毋得踰四寸廣毋得
踰一尺梳長毋得踰四寸毋以角為之先時宮中

尚白角冠梳人爭效之謂之內樣其冠名曰垂肩
等肩至有長三尺者梳長亦踰尺議者以為服妖
故禁止焉

神宗元豐八年禮部言太皇太后生辰舊所供奉
物於令式宜增一倍冠朶舊用九花舊用五朶是
各增為十二八月禮部又言皇太妃冠服之屬減
皇后五分之一詔詳定而鄧温伯等言皇太妃冠
服禮合不載亦無故事於是從禮部所請而冠朶
用牙魚

徽宗大觀四年宰相奏皇后受冊冠服當辨具帝
以鄭后自陳頭冠用珠數多請服為妃時冠增篋
挿三枝遂不復改製

政和三年議禮局上所定皇妃服飾制度首飾花
十二枝小花如大花之數并兩博鬢冠飾以九龍
四鳳禕衣深青織成翟文素質五色十二等青紗
中單黼領羅縠標襪蔽膝隨裳色以緞為領緣用
翟為章三等大帶隨衣色朱裏紕其外上以朱錦
下以綠錦鈕約用青組以青衣革帶白玉雙佩黑
組雙大綬小綬三間施玉環三章采尺寸與乘與同青襪烏
舄加金飾受冊朝謁景靈宮服之鞠衣黃羅為之
蔽膝大帶革帶舄隨衣色餘同禕衣唯翟無文親
蠶服之妃首飾花九株小花如大花之數并兩博
鬢冠飾以九翬四鳳綸翟青羅繡為搖翟之形編
次於衣青質五色九等素紗中單黼領羅縠標襪

蔽膝隨裳色以緞為領緣以搖翟為章二等大帶
隨衣色下朱裏紕其外餘倣皇后冠服之制受冊
服之

皇太子妃冠服之制首飾花九枝小花如大花之
數并兩博鬢綸翟青織成為之文為之翟之形青
質五色九等素紗中單黼領羅縠標襪以標襪皆色蔽

膝隨裳色以緞為領緣以搖翟為章二等大帶隨
衣色下朱裏紕其外上以朱錦下以綠錦鈕約用
青組以青衣革帶白玉雙佩純朱雙大綬章采尺寸與皇

太子受冊朝會服之鞠衣黃羅為之蔽膝大帶革
帶隨衣色餘與綸翟同唯無翟從蠶服之詔頒行
高宗中興後皇后之衣首飾禕衣佩綬襪舄依政

和新議與皇太后同

孝宗乾道中中宮常服有司進真紅大袖紅羅生
色為領紅羅長裙紅霞帔藥玉為墜背子用紅羅
衫子用黃紅紗襠袴以白紗裙以明黃短衫以粉
紅紗為之

文獻通考卷一百十四

